

WEB cu proyecto grandi di tuberia riba e ruta paralelo cu Watty Vos Boulevard



ORANJESTAD (AAN): A mira cu ta bay tin un inversion grandi un biaha mas di parti di WEB Aruba NV. E biaha aki no ta coriente. E tin di haber cu awa mes directamente. Luis Oduber, director di WEB, a conta cu nan a inaugura e proyecto WEB Ringleiding dos. E ta un tuberia di 12 duim of 30 cm, cu lo sali for di caminda cu a haci e escavacion simbolico, cu ta bay core segun e ruta paralelo cu Watty Vos Boulevard y e ta bay caba na e crusada di Sun Plaza. E proyecto aki ta eigenlijk pa reemplasa un tuberia cu tin existente cu ta core paralelo cu LG Smith Boulevard, pasa dilanti cas di Gobernador, dilanti parlamento, hotel, etc. Un area hopi druk y a evalua diferente manera pa bay reemplasa e tuberia ey. Pero riba e ruta ey tin hopi kabel di Elmar, Setar. Oduber a splica cu nan tabata kibra cabes pa ki tempo ta haci e proyecto aki.

Pa empeora of pa miho, a bin e peticion cu nan ta bay saca e tanki riba waf for di servicio den un futuro cercano. E ora ta haci uzo di e oportunidad di Watty Vos boulevard pa core

tubo. Ta spera cu e molester pa e trafico en todo caso ta bay ta hopi menos, compara cu si mester a sigui e ruta aki y tambe e ta ofrece WEB den futuro mas posibilidad cu por suministra e parti di Playa mes of tur e barionan cu ta keda na caminda di Watty Vos Boulevard cu un miho suministro di awa.

Fecha

Ta un inversion di casi 5 miyon florin. Intencion ta cu entre 8 y 9 luna e mester keda cla tumando e periodo di December, cu ta bin aden, ta calcula pa e prome cuartal e proyecto lo mester keda cla.

E paso

E tuberia existente ta hopi bieu. No a check e añanan cu e tin, pero e idea pa saca e tanki for di servicio tambe ta bay bira cu si bo saca e tanki, tin cu hisa e presion di e tuberia existente. Pasobra e tuberia aki ta sali for di Balashi, y ta suministra e parti di Low Rise y Oranjestad. Na momento cu bay hisa e presion, si e tanki ey no tey, cual e tanki ta sirbi como un reserva, como un



buffer, na momento cu hisa e presion, ta spera cu lo bay haya problema cu e tuberia existente. Ningun hende no kier haya complicacion riba e ruta eynan, mirando cu e ta un area hopi frecuente pa local, turista, pa transporte, pa tur cos. Esaki ta un momento ideal. E ta costa un tiki mas, pero e ta sali practicamente for di e dolor di cabes di pasa net den stad.

Demanda

E demanda no necesariamente ta creciendo. Ultimo añanan, tanto awa y coriente ta basta stabil. Tin temporada cu e ta aumenta, tin temporada cu e ta bira menos. Motibonan directo no tin. Ta calcula cu tin di haber mas cu e temperatura. Ora ta haci calor, e demanda di coriente ta subi y temporada seco, e demanda pa awa ta subi.

Oduber a splica cu recientemente tabata tin reunion cu stakeholders, unda cu a defini cual ta e roadmap cu ta bay sigui. Y ta canando riba esey awor aki. Tin un team di WEB ta trahando hunto cu e departamentonan primordialmente Santa Rosa, pa defini kico ta e paso y necesidadnan. Ta importante pa sa kico e necesidad ta di cada cunukero y a base di esey ta wak con por yuda den e parti di agricultura na Aruba.

Awanan cu por uza

Tempo di plantanan di MSF, cada periodo tabata refurbish of haci un inspeccion general riba e planta. Mester a flush e plantanan ey cu hopi awa tabata bay perdi. Awendia cu e plantanan di reverse osmosis esey no ta tuma luga. Minimo bo ta backwash, pero e cantidad di awa ta minimo. Pero si ta keda constantemente den parti di e mantencion y preventivo, ta spula tuberianan. Esey tin un programa cu constantemente ta spula liña y parti di palabracion ta cu ora haci e spoeling cu por vang'e op. E problema ta cu no tur ora e trucknan ta disponibel pa acepta e awa y tin biaha trabaonan durante dia ta



tarda. Hopi biaha parti atardi, despues di 4'or, ta momento cu ta bay spula. Hopi biaha no ta haya servicio di transporte e ora ey.

Awa sano

E awa sano por garantisa e prijs. No por garantisa si na kico e ta bay ta cu lo nan ta satisfecho of no, pasobra WEB tin su responsabilidad cu e comunidad di Aruba. Esey ta nan tarea pa garantisa e suministro na e miho prijs y tin e miho prijs den e region y esey pueblo di Aruba mester ta orguyoso di e team na WEB.



cu ta trahando duro tur dia riba esey, Oduber a finalisa.

